



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Reus delinquens

urn:nbn:de:hbz:466:1-40647

babilem censet Trullench *in decal. tom. 2. lib. 7. cap. 15. dub. 11. numer. 11.* quia fur non tenetur restituere cum infamia, *pro* maiorem diligentiam adhibere potest, quam restituendo per Confessarium; in quem propterea modum creditor irrationabiliter non consentiret. *part. 2. tr. 17. ref. 2. & part. 10. tr. 16. ref. 97. §. Ad doctrinam.* Qua meliori via restituere possit testator. Vide *verb. Testator, n. 6.*

Et si quis potest per se ipsum & vult restituere per testamentum post mortem, non est absolvendus.

Tam de re alterius quam de fama.

32. Verum, ut dictum est, circa Tempus restituendum est, cum obligatus primum potest. Et moribundus, qui potest statim restituere, & vult restitutionem committere hæredibus, non est absolvendus. Tum quia talis voluntas est conditionalis, scilicet restituendi, si moritur. Tum etiam, quia hæredes testatoris voluntatem implere in his sæpè non curant: & quandoque etiam non possunt, obveniente aliis hæreditate, quam nominatis, vel suscitatis litibus, &c. Et idem dicendum de restitutione famæ, nec absolvendum esse sanum, qui cum statim possit, vult illam differre; aut moribundum, qui cum possit per se, vult post mortem per Confessarium, nam neuter est benè dispositus. Et hæc est doctrina communis, ex qua resellenda omnino est opinio Poza *in pract. benè mor. in proem. mand. 8. post §. 6. part. 5. tr. 3. resol. 104.*

33. Si quis alienam gemmam abiiceret putans eam valere 100. aureos, cum valeat 1000. putat Card Lugo restituendos 1000. Pontius tamen *in cursu Theologico disp. 52. q. 2. concl. 2. id negat*, quia ex culpa levi gravis obligatio nasceretur, ut patet in eo, qui abiiceret gemmam 100. aureorum, quam putaret esse triobolarem, quod videtur absurdum, *p. 11. tr. 2. ref. 34.*

34. Probabilius est, cum non teneri ad restitutionem damni temporalis, quod passum est monasterium, qui seduxit professum, siæ vi aut fraude, illi egressum suadens ob commoditatem aliquam sæcularis vitæ, *p. 11. tractat. 3. ref. 22.*

Sotus, Navarrus, Wiggers & alii.

R E V S
Delinquens, Captivus.

IN quibus delictis reus pertineat ad Reus. Iudicem Ecclesiasticum, in quibus ad laicum, in quibus ad utrumque, in quibus gaudeat immunitate loci sacri, in quibus pertineat ad Inquisitores, dictum est sub *VV. Index, Crimina misti fori, Immunitas Ecclesiarum, Inquisitorum iurisdictio in qua delicta.*

2. Alienigena delinquens in territorio Episcopi extranei, evadit eius subditi, potestque ab illo excommunicari, in quo deliquit. *Puniri potest à iudice territorii, in quo deliquit.* dum manet in sua diocesi, vel etiam in propria, si post citationem discessit, vel in ea citeretur postea à proprio Episcopo ad requisitionem alterius (quod facere debere, notant Doctores in *cap. fin. de foro comp. & ex Neotericis Hurtad. de cens. disputat. 6. dub. 2. quæst. 3.*) & non respondeat. (An autem communicari possit extra territorium ab Episcopo proprio vide *verb. Censura, numer. 7. & an citari, vide vrb. Episcopi, num. 50.*)

Adverte autem hic quod excommunicatio Episcopi per sententiam generalem non ligat, nisi eos, qui sunt eius subditi ratione personæ & domicilii, minime verò eos, qui per transitum in sua diocesi reperiuntur, vel nondum domicilium acquisierunt, & sententia referenda est ad tempus, quo pronunciat: unde si feratur excommunicatio in non revelantes tale furtum, hæc excommunicatio non ligabit, nisi eos, qui tempore talis sententiæ erunt subditi ratione domicilii ipsius Episcopi, & scientes non revelabunt: minime verò extraneum, si post datam sententiam in diocesim perveniret, vel tempore sententiæ nondum acquisierat domicilium, ut probabiliter docuit Avila *part. 2. cap. 3. disputat. 2. dub. 3. concl. 2. contra Hurtad. ubi supr. num. 39. part. 5. tr. 9. resol. 36.*

3. Legatus Principis grave delictum committens in territorio legationis, evadit *Et procedit etiam in Legatis.*